

帶  
耕  
堂  
遺  
詩

帶耕堂遺詩卷三

合肥蒯德模子範

由長洲宰權守蘇州

五度春風茂苑花  
蘇臺管領忽驚譁  
官高漸覺重門隔  
年老愁看兩鬢華  
階下影森新畫戟  
堂前香滿舊窗紗  
曩時手版趨  
蹌地又對斜暉放晚衙

天氣輕寒酒一卮  
江城正是熟梅時  
湖山朗潤春行部  
風月清佳夜詠詩  
財賦減征培國脈

時減漕方定案

俸錢增給愧民脂

秋韋白今何在  
獨立蒼茫有所思

讞局行

孔門許折獄  
片言民信服  
易象取折獄  
離明照幽曲  
叔季民

散久獄辭多反覆臬司刑明匪裁裁發審局郡守作提調眾  
員隨趨逐一紙檄初下卷牘已盈簏出入關生死頭斷不可  
續堂上人多怒堂下人多哭慘怛輾轉間呼號夾三木願告  
在局者毋徒務敲扑去年獄未具今年獄再鞠淹滯久不決  
羈繫無皮肉凡我同局者聽斷惟勤速暴虐易召殃因循難  
造福二者其病同皆非愛民牧盛世重祥刑明允臬陶牘案  
外無株連案中無誣伏民自謂不冤庶無妄枉枯安得有仁  
人教民以親睦天下皆無訟斯民乃並育月落人散後哀矜  
意滿腹

將去蘇州謁况公祠

生與公異時官與公同地來瞻公祠宇慨然有餘思有明宣

德年吏治多廢棄擢公守蘇州賜勅乘傳至公至奮雷霆捶  
殺舞文吏胥役皆奉法乃能言撫字置簿密稽查除役疏淹  
滯豪強皆斂迹編氓得美利凡公所設施卓卓留未墜公才  
自嚴明公遇尤寵異上有周中丞同心乃其濟郡守職雖卑  
上章准言事奏上輒報可一一如公志賜金且增秩歷久不  
遷位彷彿漢宣朝璽書褒勉意我來甫半年精密難猝致恭  
逢聖主恩減漕得襄事東南百萬家猶是公舊治願私淑未  
能登堂徒仰契茫茫人海中拔用須破例鴻鵠卻樊籠騏驥  
寬策轡賢良出刀筆毋徒矜科第

時有首府縣非科  
甲不得調補新章

### 留別蘇州

解卻戎裝衣紫緋書生作吏願多違五年赤緊鴻初集半載

黃堂鷁退飛鳥占高枝風易動花移別圃日長依蘇臺舊事  
休回首多少離情付夕暉

蕭條別墅正秋風賭郡圍棋局乍終好夢醒來春夜短閒雲  
吹向碧山空新栽桃李陰成綠舊種棠梨色漸紅最是潯關  
千樹柳依依望眼盡朝東

重勞祖餞到河干驪唱恩恩夕照殘裝得一船書畫滿羸來  
兩鬢雪霜寒浪傳海國多佳話

判事多載外國新聞紙

慚動宮帷說好

官知己未酬君未報相期努力爲加餐

婁江東望接滄瀛此去雄區百感生民樸幸能藏我拙吏窮  
不礙作官清人當去後方追憶政貴來時已有聲漫說一州  
如斗大捫心何以答昇平

出蘇州

笑來我比白公清  
囊裏蕭然山郡城  
祇有一船書萬卷  
並無琴鶴與隨行

野行

薄暮寒風起斜陽  
照古原橋低多礙  
舫市小只如村因  
樹堪爲屋編蓬便  
作門蕭條山寺外  
一犬吠黃昏

途中追憶

記從茂苑甫停車  
新政條條次第加  
四野桑麻勤有獲  
六門枹鼓靜無譁  
橋垂虹影多栽柳  
網撥蛛絲愛種花  
重整判詞千百卷  
依稀猶憶燭光華

舊事思量感若何  
吳門咫尺已山河  
春風莠草成佳種  
明月

梅花學放歌愛士兼收書吏秀送行偏覺乞兒多吳山樵語  
胥江唱駐足閒聽莫漫過

蕭蕭已是白頭翁怕受恩多報未終歸燕應教還舊壘輕颿  
恰好受微風草因當道難成綠花到他山易見紅要識東皇  
無別意涵濡總在雨煙中

閒居小築任徘徊一度停車一舉杯喜聽鄉音如里社難逢  
客邸有樓臺萬間廣廈酬心願四季名花盡手栽寄語諸君  
齊努力方今吏治正需才

送王紫垣歸里

君來纔兩載老病漸相侵似此多奇氣何人是賞音渾身皆  
俠骨有句盡仙心自古貧交重臨歧思不禁

王粲依人慣飄零亦可哀  
鞠窮看晚節桐爨識良材  
面目依然  
在胸懷到處開  
明年春水綠放棹望重來

余蒞太倉適門人徐石卿孝廉來秉州鐸喜賦

記得河干送我行夕陽無限照離情  
歌殘東道雲方散話共西窗月又明  
爲助滿堂琴韻遠好聽一榻鐸音清  
桑麻種罷看桃李喜對春風笑滿城

赴省

傷心四野盡瘡痍此去應教大吏知  
祇恐一官無膽氣猶難說到十分時

今年大有慶西成其說多多粟米征爲告  
斯民經九死願將顆粒乞餘生  
冬情請減成



九弟病後書來索狐裘附詩寄去

寥寥書一紙字字寫來真暮歲嚴寒日深秋久病身頭顱皆  
欲雪手足自生春及早長途寄風霜正逼人

嗟余升斗祿不及養高堂已痛雙荆折難留一個強暮年思  
骨肉薄宦苦風霜待到歸田日重來話夕陽

余至長洲適錢太令扶病理事代之

名園小別已經時賈郁重來竟有期萬事登場皆傀儡一官  
仍舊此鬚眉燭花照我當年影庭草依人去後思官鼓三通  
衙散後窗前明月到梅枝

巡行鄉野過嘉定葛龍鎮查獲女唱書四人以車載之

來

街齋早出去雲隈匹馬從容往復回臘雪消殘添水活梅花  
破冷占春開茅檐日暖民依曝野店風寒客舉杯惹得道旁  
都怪問後車偏載美人來

散給貧民棉衣

一寒胡至此與子願同衣野少無襦歎人多挾纊歸凍痕消  
臘雪暖意蘊春暉安得吾裘大州民覆四圍

自箴

織布偏無褐穿綢不養蠶高堂退食者莫對素絲慚

登穿山

婁江東北五十里千尋巨石空中起相傳本是海中島未識  
滄桑何自始石洞深深雲出沒怪奇譎詭鬼神窟曾聞海客

此中行帆影凌空挂寒月此時留作遠山青松風兼挾怒潮  
聽石磴參差苔雨滑沾衣欲濕帶龍腥青山隱隱斷吳門海  
疆迢遞趨曠原獨有此峰飛動意俯視直欲卑坤垠荒涼古  
寺掩藤蘿兩次來遊載酒過鼈鯨退避蛟鱷徙山靈知亦厭  
風波

喜蔗農四弟來

不忍經年別相逢鬢各蒼精心籌國計古道入官場好夢欣  
同被深懷慰陟岡記曾春草綠覓句到池塘  
少小方同學書聲讀最酣文章論硯北游宦共江南觀海雙  
眸豁還山萬卷擔葬親歸已決墓草宿煙舍

薑桂行

薑桂有本性秉賦不可奪靡靡草木中臭味獨自別佐食既  
宜辛入藥亦取烈澧蘭沅芷徒空名馬勃牛溲殊惡劣薑桂  
之氣可通神薑桂之用能活人神農不作扁鵲死庸醫祇用  
平淡耳平淡氣質無用多扶危起死將奈何君不見藥中甘  
草長樂老厯事五朝身自保到處與人作和好白雲深處採  
藥行藥籠難盡貯參苓薑兮桂兮性辛熱振聵發聾老愈粹  
碌碌因人總不屑

蘆花

丹楓江上酒家樓紅蓼灣頭漁子舟祇有蘆花頭盡白蕭疏  
一樣占新秋

重到上海感舊

一別光陰五度更昔年曾此結鷗盟三千瀛海遨遊遠百萬  
軍精握算清駒隙影過春似夢龍門客散月猶明浦江煙水  
如相識潮去潮來知送迎

記從節鉞啟東征家國安危在此行已見前鋒程不識更傳  
大帥李西平聞風兼使夷心折揮日先教賊膽驚海嶠一隅  
鑿百戰而今廢甌有人耕

金碧樓臺敞太虛迷離世界感何如颿飛黃浦人雙漿馬踏  
紅埃鬼一車聖世通商原大度夷情重利且安居一官新置  
殊難解理事洋涇銜特書

重逢客邸喚開罇無限燈光又酒痕卜夜頻燒紅燭短問年

其讓白鬚尊春歸芳草入將別

蔗農四弟明年將歸里

座對梅花雪亦

溫明日扁舟何處去桑麻影裏月黃昏

迎春

時在冀東

曾作蘇臺吏東郊見幾回重逢應面熟一到便心開臘雪留  
痕在梅花着意催海隅休道僻一樣有春來

示光煦

汝年已長大汝弟皆幼嬉汝今送汝弟歸家應試期汝弟非  
能文使習場中規數年讀官所質鈍屢易師官所尙浮囂真  
性爲之滴朝夕在我側猶恐爲不爲一旦離我去譬彼馬不  
羈光觀年十九乃是汝叔兒汝叔惟此兒寶貴逾珍奇自從  
汝叔死教養我任之願汝勿異視事事相提撕光昭年十七  
病體年年支讀書貴立志養身在寡思滿路迷陽草毋乃誤

所馳願汝常教導習久不可移光典年十二聰穎有天資九  
歲作大字十歲賦長詞世途多習染知識漸開時願汝常防  
範勿壞在始基大抵邪正路所差祇毫釐上達非難致下流  
亦易隨所以古君子欲歔悲染絲江上風波惡舟楫莫漫施  
山中荆莽多步履無誤歧況是吾衰甚一官不可知教訓賴  
家督文章付有司我今送汝歸賦此數行詩汝其常在念毋  
忘詩中辭

送諸子歸試

送汝歸家去文章校試場嚴師催課急慈母辦裝忙芹藻春  
池碧梅花驛路香俸錢慚太薄羞澀此行囊

屈計征途遠行行二月天春帆江上穩明月故鄉圓里社多

前輩聲華戒少年藏書千萬卷端望子孫賢

至樂惟兄弟良辰几硯同謝池春草綠姜被夜燈紅乳燕三  
春日征鴻萬里風人生何所取莫僅誤雕蟲

自昔從軍去三年薄宦成官聲高治行人意重科名姓氏慚  
同學文章望後生老臣燭之武少壯每相輕

獨結吾廬愛鄉音喜聽聞巢湖晴放棹蜀嶺遠停雲土厚民  
多樸星輝士亦文先人邱隴在杯酒莫斜曛

題陳息廬歸雲圖

先生何事把髯掀不坐瓊筵坐石根高倚虬松人並古笑揮  
塵柄座皆溫世間好事歸真樂天下名山住最尊料得閒雲  
同朗抱太虛一點去無痕



己巳元旦試筆

焚香掃地署齋中，檢取銀毫試曉風。  
池水乍凝春酒綠，墨痕猶帶臘花紅。  
宜人好事從頭起，隔歲寒光著手融。  
地僻政閒多逸興，新詩寫就付筠筒。

出門 正月初四日

東風吹送去蘇臺，新歲良辰謁上台。  
春水初生人影碧，梅花作伴客懷開。  
天涯芳草王孫返，諸子赴試同日啟行驛路垂楊故吏栽。  
許多少名葩含未吐，濃香留待我歸來。

丹陽途次

雲陽西去亂山叢，解卻煙颿控玉聰。  
旅店留賓村酒綠，田姬度歲布裙紅。  
草經野燒情根在，門貼春聯吉語同。  
喜看滿畦

新染甲鴉鋤一柄試東風

旅店句容

月掩柴門小風吹戍鼓殘村膠難釀夢野菜佐加餐破壁留  
題斷孤燈照影寒明朝須早發咫尺秣陵看

上馬制軍

記從馬下拜霓旌有腳陽春到處行堂上龔黃民戴德軍中  
韓范賊知名棠梨官舍春留蔭草木他山夜助兵一自皖城  
移節鉞至今遺愛說蒼生

蘇臺曾記客秋過嬰鏢精神馬伏波行地仙來爭捧轂朝天  
人去響鳴珂九重轡款綸音轉

公督閩浙陞見後改兩江

三省謳吟福氣

多正是老成資坐鎮金甌千里壯山河

東南半壁繫安危江左夷吾眾口推海國羣酋歸駕馭中原  
大局費維持春風煦物過皆化秋月當空照不疲畢竟渾含  
人莫識汪汪千頃望無涯

曾隨帷幄佐高談曾傍旌旗虎穴探十載部民成屬吏一官  
淮北又江南多公樾蔭方移覆愧我蒲葵已不堪自顧蕭蕭  
雙鬢短爭當姓氏說來甘

前詩已獻蒙公招飲又呈二章

山中築堡喜初成曾記當年駐旆旌  
元年圍攻廬州公辦  
前敵營務住余圩內  
老扶親如望歲編氓入伍亦能兵公來真是如天福賊去欣  
逢絕地生回首雪泥鴻爪處依稀往事說分明

參差戟影敞崇階轉入華堂到小齋況是燈張佳節近又逢

客喜故人偕

坐客徐清泉軍門陳子勉太守皆余舊識

深情已略雲泥分逸興兼

談風月懷第一艱難真事業蒙城半壁障全淮

徐軍門談公守蒙城力御

苗逆保障全淮

### 校士

四十年前事三千士裏人

合肥童試三千人

文章難自命燈火憶同

親乳燕初齊羽神駒早出塵絕無關節到孝肅是鄉鄰

### 南園安道書院落成

冠蓋南園盛昔年文章安道接薪傳先生杖履春常在相國  
梅花老更妍一代鴻泥留舊迹三更鶴夢喜重圓莫言仰止  
芳徽遠興起端須讓後賢

園林寥落罷開鐫誰共斯文仔細論燕子烏衣門巷冷春風

絳帳誦絃喧衣冠四皓人猶古安道先生與陸道威盛桃李聖傳江虞九號四先生

千叢雪亦溫偷得閒身單騎去書聲聽到月黃昏

池塘重活舊煙波洗滌繁蕪爲種荷湖去鐘音隨海落月來

潭影照人過多添曲榭宜憑眺更有高樓好放歌試問諸生

游息久蔚林風景近如何

明季安道先生隱居蔚村不仕

從來經史貴兼通但得專家已不同

院內分課經史

海國文章誰角

勝舊時壇坫久稱雄山川得助多奇氣風俗偕遊悟聖功理

學名臣猶在望莫教小技誤雕蟲

### 簪雲侍兒兩峰歌

簪雲侍兒兩峰昇園舊物也園廢簪雲仆臥地侍兒

歸畢氏離贅闈余修王相國南園建安道書院訪昇

園故址得簪雲灌莽中向離贅主人索侍兒不得以  
百金贖之歸命工並植台光閣前

弁園當日擅豪華名勝東南第一家領取煙雲資供養幻將  
石丈喚嬌娃美人峰好號簪雲霧鬢風鬢認不分旁有一峰  
低亞立侍兒兩字最清芬尙書得意工羅置嘉名分錫饒幽  
媚信是三生有宿緣留與林泉供遊戲無何世代閱滄桑賸  
水殘山空夕陽煙際頽鬢誰辨識草間遺珥孰珍藏塵泥墜  
落春無影膏沐沾濡雨不香一峰埋沒一峰失邑有豪者逞  
其強離贅臺榭新修整吏部風流正馳騁豔名有似綠珠求  
象情直作紫雲請千夫輦去惜如珍一嫁東風又別春玉埋  
不起沈幽壤珠徙難還付別人豈知劫火易成灰眼閱興亡

又幾回覆雨翻雲一反掌兩家門第總塵埃南園風月多清  
燕整頓亭臺聚羣彥靈物喧傳父老口畫圖先識春風面先獲  
見管手闢荆榛訪故居刊苔剔蘚果然見土痕斑駁斷翠多  
猶有參差鬢影現勝他星散去人家消息茫茫多幻變縱教  
鹽敗尙能全未必鏡分仍再圓浪把黃金拚一擲又從月裏  
贖嬋娟二美相依眞奇巧去離來合殊難曉飛瓊豈肯泥塗  
終小玉難傍他人老潭影軒外台光前命工安置妥貼好垂  
蠶合簪宰相花捧硯宜侍學士草盛地自多蘭竹交奇緣終  
賴鬼神保吁嗟宋代有米顛呼兄拜丈日纏縣二石稱名更  
奇異何不畱與媯皇再補有情天

題吳大令幼樂味菜圖

世味濃如此余情覺信芳  
腳跟先立定齒頰亦生香  
秋圃人同瘦終朝客采忙  
願君休獨嚼辛苦與分嘗

鶴

不是風塵物翹然只自矜  
千年人並古萬貫客羞稱  
未免雞羣妬終偕鳳侶升  
俸錢留飼汝子和望能膺

陶肖農與余同官吳會已  
歷四載近復共事婁東相  
得益歡今秋以親老乞休  
離別之際詩以送之

不爲督郵至飄然竟挂冠  
微臣猶有母聖世許辭官  
宦海風初息庭闈月正圓  
千秋兩陶令總覺折腰難

曾訂歸田約相期十載餘  
鱸魚秋興急雞肋宦情虛  
葛嶺尋靈草潘花送板輿  
輕舟何所有石取鬱林儲



嗟君升斗祿原以奉高堂海上風波險山中日月長千家黃  
葉路一棹白雲鄉從此爲春酒椒花滿室香  
自昔同官日瘡痍撫子黎黃雲新稼穡紅樹舊棠梨宦迹留  
鴻爪歸心逐馬蹄剡山應不遠待我訪幽棲

晚宿塗松

祇愁民隱隔到處作遲留燈影明寒浦人聲寂晚舟漸迎殘  
月曉樹撼古城秋遠遠聞漁唱閒情寄白鷗

勘災野行

今年低窪盡災區一尺禾苗五尺蘆算到輸租還不足安能  
粒粒化爲珠

野色蕭條秋氣涼棉花滿地白如霜西征將士知多少第一

寒衣絮早裝

徵漕行

天下眞吏治知縣是始基天下大政事收漕繫民脂昨見開  
漕示某月某日期父老急政供相約恐來遲或以舟車載或  
負肩背隨豈知守候苦官懶吏亦欺偶然天小雨開倉謂不  
宜是時剛十月涼風已淒其冰雪天地凍飢寒骨肉疲淒涼  
羈旅館費用已不支忽報官臨倉小民喜舒眉倉吏打樣米  
着意簸揚之一取復再取升合成斗箕漉尖手欲扶踢斛足  
將抵遺米如遺珠掃帚手自持倉吏告官說徵漕此舊規官  
曰相沿久何獨異所爲昨載十斛米來倉數參差三斛爲一  
斛何以尙短虧欲去糧仍欠糧欠將截追欲歸室已空室空

斷晚炊回望倉中人耿耿如餓鴟充腹有美食着體有鮮衣  
嗟我終歲苦顆粒無留遺鄰里四五人躊躇各傷悲多方更  
相貸倍息不敢辭心頭肉已剗眼前瘡暫醫東家方賣女西  
家又鬻兒持此兒女錢暫免皮肉笞有田喜可耕耕田不免  
飢一朝賣田去將學游手嬉良民失本業天下事可知上天  
胡震怒下民多怨咨水旱興盜賊冥冥皆有司感召在呼吸  
天高而聽卑況是財賦地流弊更易滋習久遂成慣令新未  
易施五年茂苑地兩載婁東時區區持此心有弊悉掃夷執  
概許上倉餘米許持歸未必官違將所期民能肥後爲知縣  
者收漕其細思

題三俠圖

余少喜任俠讀書至劍俠傳李衛公遇虬髯客一事  
未嘗不慨乎慕之謂世安得其人者旦暮遇之余雖  
爲之執鞭所忻慕焉及長而遭世變練兵鄉團慷慨  
猶少年意氣旣而筮仕吳門一官束縛曩時豪氣消  
磨殆盡然每一振觸躍躍若前日事今春陳子崇光  
客余幕中爲作三俠圖筆墨淋漓鬚眉甚古少時所  
欲遇而不得者不意於畫圖中遇之爰囑其補入余  
像葺衫破帽蹇驢蹢躅得與三人者共馳驅於風雪  
中亦猶少時之志也爰誌其緣起并繫之以詩

紅顏白面妙傳神草草論交結契新小婢留心能相士中原  
無地莫容身天涯雨雪成奇會兒女英雄盡異人今日畫圖

添畫我執鞭不厭走風塵

蹇驢駿馬不尋常看到棋枰局正忙骨相終輸公子貴眼睛  
獨許美人強君臣早識皆奇傑姊妹同聯亦大方十載東南  
留後約蒼茫回首海天長

夜宿瀏湄

婁江五十里東與海波瀾不盡滄桑感方知砥柱難舊設閘  
座築渾  
潮時議  
欲廢之千秋堯壤在八載禹功殫曉夢驚初覺潮聲落枕寒

余至蘇過吳松溪家阿寶出見已長成矣喜賦

光陰小別數星移重見娉婷鏡裏姿三徑和風楊柳院一門  
喜氣桂蘭枝賞花難得親栽樹愛月欣看欲滿時問道當年  
題贈句可曾猶記老夫詩

帶耕堂遺詩卷三終

門下晚學生程先甲審定編次  
孫壽田壽樞孝先校刊

帶耕堂遺詩卷四

合肥蒯德模子範

庚午七月調守京江留別婁東諸君子

謳歌未聽聽驪歌兩載婁東戀若何敢說白公容易及白公

比我四年多

白登明牧婁六年婁人至今思之

行期已近便怱忙檢點圖書共一囊可惜荷花三十頃難教收拾附輕裝

蕭條城郭半荆榛著手春風次第新不僅流連有父老依人魚鳥亦相親

南園結構已粗安曲榭高樓不厭看尙有四圍池待鑿春來好放水波寬

簪雲峰與侍兒連往事而今幾變遷  
千古別離重聚會續成一段好姻緣

聚得羣材共一堂更開曲徑到禪房  
懶殘芋火誰同撥分與諸生子細嘗

南園書院有詩僧隱禪

蔥蘢古寺結芳鄰堤柳池荷手植新  
淡蕩春光香世界如斯風景易留人

桴亭理學本名家爲訪遺徽屢駐車  
惆悵當年讀書處空餘流水夕陽斜

議建桴亭不果

五畝名園感寂淪殘山賸水總精神  
胸中坵壑分明在多少安排付後人

修五畝園未成

訟庭如水笑顏開匹馬從容去復回  
名宦鄉賢貞烈事都從



一二採風來

栽花壘石費商量  
風月閒情寄與長  
自笑一身兼吏隱  
藕紅萍白水雲鄉

臣朔雖飢死  
尙無敢教溫飽羨  
侏儒行囊羞澀知  
何有賺得名人幾畫圖

萬慮關心不放過  
光陰飄電肯蹉跎  
臨歧指與諸君認  
幾點星星鬢更多

沿途作餞酒千卮  
多謝諸君惜別離  
此後澹臺應更遠  
蒼葭秋水動人思

風蕭木落客遊豪  
第一江山管領勞  
此去重陽佳節近  
金焦兩點好登高

登北固山

江流不盡滔滔水北固橫江成壁壘上下金焦兩點奇更作  
中江柱雙峙天生形勢固中原第一江山誰與比登高四望  
勢凌空下視城垣如釜底京江幾度蹂躪深寇至都由此處  
起我來正當八月秋風色蒼茫雲樹裏名流題詠迹已非大  
盜覬覦事未已是時夷逆正鴟張議和議戰費商量津門夷務方棘  
此地江防真扼要上通江揚下蘇常賸有賊遺外城好臨江  
包山萬丈強山在城中形聳特水環城外勢汪洋縱使十三  
門洞開此關祇用一夫當須臾命工急修葺民心歡樂事其  
襄吁嗟此山爲我有百萬人家鐵甕藏

龍潭道上

曉發龍潭道蒼茫樹色間紆迴三十里包裹萬重山松韻敲  
風細泉聲下湖潏羨他高臥者鎮日拚柴關

秋色來新雁鈴聲控短驢山河多廢壘城郭半荒墟西北方

多事

夷獠未靖

東南莫逸居稻梁欣遍野民氣漸能舒

余告上元張令復金陵元氣須重興秦淮河房張令云

曾侯亦有此議感而賦詩

敢說英雄見略同偶然持論媿名公燕鶯歌舞隨春氣花草  
蔥蘢任化工

盛世恬熙王政大閒民容納吏才通山塘夜月西湖水蘇白  
而今頌未終

由金陵回鎮江舟人苦風微行緩賦詩曉之

滾滾長江路扁舟一葉輕莫嫌風力小恰好水波平彼岸分明認中流自在行不須誇破浪安穩此平生

蘇州書來內子病篤偕季子光典往視

風塵何太苦老病竟相違別意東流水餘生夕照暉夢回重過路心怯乍敲扉願緩須臾死兒方昨夜歸

調守江寧

金焦小住正三秋又挂征帆向石頭錦繡江山龍虎氣松楸宮殿帝王州攜來吳郡新詩本賸有秦淮舊酒樓杜鰲白裘何處在關河風雪滿孤舟

昔年射策此停車卅載秋風感鬢華安穩煙波雙槳月飄零金粉六朝花青山隔岸如迎客黃葉成村漸近家幾處荒郊

成廢壘春歸待我課桑麻

悼亡

記得來歸卅五年思量往事倍淒然相依白髮將偕老久困  
青衫賴獨賢家計早諸柴米價田功兼課豆棉天書聲未斷  
機聲起助讀常看月影偏

年荒正值米如珠竈斷炊煙日已晡石臼無聲雙杵冷蘆簾  
不暖一燈孤淒涼碧血痕猶在顚顚黃花影倩扶最是傷心  
烽火地嬌兒襁負兩肩臞

自從匹馬去江東記否牛衣淚眼同官舍酒杯痕尙綠晚窗  
燈穗影無紅一帆皖水秋江冷千里吳山夜月濛勸我偕歸  
曾幾日而今此事已成空

征帆斜指秣陵秋。此別從教見面休。紅樹鄉村歸化鶴，烏衣旅館寄浮鷗。勞生過眼風前燭，噩夢驚心月下樓。淚點千行溪九曲，應隨逝水到蘇州。

寒夜

柝聲依短榻，清夢滿堂坳。古硯冰成骨，疏藤雪挂梢。樹搖龍走壁，月射鵲驚巢。得句寒窗下，呼兒急與敲。

郡齋對雪感賦

自憐鬢雪影，皤皤況對寒光感。若何冷抱冬心原，鐵石陽回春日亦。恩波分飛占遍湖山好，醞釀全憑氣候多。敢說大裘能盡覆，江干獨釣有煙蓑。

人日夜雨

滿街簫鼓鬧新正半是歌聲半雨聲人自迎年我望歲  
瀟瀟直聽到天明

燕子

春城柳絮正飛花二月東風燕子斜門戶不須王謝好而今  
百姓已無家

春柳四律用漁洋山人秋柳韻

清明時節最消魂折取柔條綠滿門燕子樓臺春有影  
鞦韆院落夢無痕風和日暖剛三月雨淡煙濃又一村  
留得韶光便年少十圍老大且休論

寒鴉野渡灞橋霜又是嬌波漾遠塘鄉夢迢迢新玉笛  
衣痕熨貼舊巾箱堤陰未改思蘇白門巷猶存感謝王  
冷抱春旗

招客飲有誰驄馬酒家坊

花脫東風香滿衣萍猶轉綠未全非黃金肯鑄春光好青眼  
相看陌路稀十里低垂樓盡做千絲緊綰客分飛封侯畢竟  
尋常事漫把深閨願與違

一派疏狂見便憐有情無力最宜煙喜逢殿院春歸早怕對  
河梁別恨縣星宿靈根留上界風流生性憶當年許關曾種  
千株樹此日濃陰遠水邊

上元胡式嘉江寧莫善徵兩大令邀看後湖荷花晚由  
秦淮歸

石城半壁一湖烟六月荷花朵萬千信有人間香世界渾身  
熏向曉風天



迷離碧葉接晴空幾處芳洲一槩通  
傍晚採蓮歌四起衣香人影莫怱怱

短篷掩映氣清涼面面微風自有香  
願與諸君移畫舫閒來同住水中央

秦淮咫尺一溪通歸棹遲遲月滿空  
今夜魚龍眠不得燈光搖落水波紅

重修莫愁湖

盧家少婦石城邊莫愁小字最纏綿  
風流至今幾百載占得湖光萬頃煙  
開國君臣無檢束戰罷江山戰棋局  
草草一枰江上樓贏得此湖願亦足  
美人名將客千秋紅粉烏紗貌並留  
清涼山色峰峰好都在湖心亭上收  
那知劫火中原起多

少樓臺灰燼裏臨流不見採蓮人空有蒼茫波十里昔年畫  
舫記停橈此日秋風五馬驕回首當時舊遊地斜陽細雨滿  
荒郊湖邊芳草年年綠湖上行人空躑躅重裝亭閣燦煙霞  
補種名花照高燭仍將小像點丹黃威嚴兼寫中山王茫茫  
世事爛柯夢片片落花賸粉香小橋東去秦淮水兩岸笙歌  
閒且止可惜南朝金粉多難使一時收拾起昨朝載酒湖中  
遊萬朵荷花一葉舟昂首高歌拚一醉果然銷盡古今愁

辛未仲秋入覲

一綰銅符已十年小臣今始去朝天重扶景運慙無補三守  
名邦惜早遷到眼風光秋競爽當頭月影夜常圓行行真覺  
長安近不信關河路幾千

每從大處拓心胸莽蕩乾坤豁雨瞳前路山容瞻泰岱常朝  
人物孰歐公居官愛說江南好望氣無如冀北雄遙指帝城  
新霽色樓臺高傍五雲中

料理舟車好問途行兼水陸瞻尤廳一官望闕來天上三次  
論功至大夫已近幽燕風漸改未瞻宮殿氣先殊百寮整肅  
瑤階上許我今朝亦步趨

蕭疏兩鬢已成翁敢擬終童意氣雄臣本布衣知稼穡君憐  
小草亦春風太陽有象葵心戀化雨無私樗質同記舉茂才  
年二十出身原不算空

燕子磯阻風

此磯如燕子振翼忽凌空得勢真堪舞成名畢竟工登臨酬

壯志險阻伏神功爲語舟人子明朝有順風

夜宿東溝

昔年曾記駐東溝今日重過已十秋祇有寒雞聲未改五更驚夢到孤舟

道出吳門葉涵溪徵士賦詩送行依韻答之

光陰小別一星周重晤先生八月秋杖履依然春意  
在風塵易惹客心愁溯洄襲水求佳士慙愧吾民說故侯  
我有車旂羞令見叮嚀門外早停驂

記曾杯酒送離筵往事依稀在眼前敢望斯民留  
菱樹爲多君子植池蓮文章壇坫公宜主風月南園  
我尙憐此去倘蒙天語問吳儂今已事耕田

附原詩

迢遞征驂駐道周闔廬城外正清秋甘棠滿縣叨餘蔭

公曾

率長官柳低人綰別愁吳郡久傳神父號漢廷合拜富民

侯使星南下無多日準擬車前擁八騶

南園樽酒敞離筵臥轍攀轅在眼前

公於去秋由太倉調守潤州

送別

望雲迷遠樹念公扶杖對池蓮

南園及陸福寺荷花盛開皆公所植

吏民並

說前官好痛癢猶厯慈母憐

公念婁民不置以去任之速水道未盡疏浚爲憾

指

望中吳重駐節更營水利與農田

揚州舟次

扁州小泊到河干蘆荻花疏月影寒底事一鐙人不寐爲抄

詩稿寄兒看

平山堂

揚州太守有歐陽形勝特闢平山堂青山不到揚州地峰巒  
遠隔長江長欲招山色入戶牖相看不厭惟蜀岡太守相度  
得大意環以曲檻綠以廊堂高不識山近遠山來不與堂低  
昂卻捲珠簾坐堂上眾山拱揖朝其旁春秋佳日召賓客花  
枝簇簇森兩行美人笑罷眾賓醉五馬歸去月昏黃風流至  
今七百載滄桑世事幾興亡堂空人去山猶在年年排闥送  
青光吁嗟古多賢太守歌舞不獨稱維揚山塘夜月西湖水  
都與此堂民不忘大抵居官果千古釣游亦足傳無疆今之  
從政不解此腳靴手板走且僵我已綰符三領郡願私淑公  
徒未遑

漂母墓

能識英雄未遇秋蕭蕭孤塚此長留餓來一飯真難得貴後  
千金或易求大局獨能持楚漢九原應喜識王侯我來憑弔  
無窮恨不分知人屬女流

清江浦

水陸分南北舟車並問途雲低颿影簇風勁馬聲麤地勢漸  
平闊人音已別殊城垣新創造保障是良圖

齊東

纔入齊東第一程問名已是古鄒城相思紅豆移南國有價  
黃牙重帝京藉地晚無新稻草談天客散舊棋枰雞聲未斷  
東方白帶月偎煙自在行

齊東一路走征驂形勝欣教次第探泰岱連天峰突兀黃河  
瀉地氣渾含萬家果熟兒歐雀四野桑稀女不蠶祇有多情  
千樹柳送人猶似在江南

記得東西捻

咸同閒齊魯之盜日捻

似麻大軍過處化蟲沙賊氛纔退

官宜樸民氣能蘇物亦華大漠誰堪歌綽板美人容易聽琵琶  
客心莫厭風澆薄安得生來盡有家

天涯有客走邯鄲一枕黃梁夢正酣盞釀酒香花簇簇籠蒸  
麪白雪團團車前健僕飛身跨馬上行人裹餅餐此去程途  
無待問舉頭便可見長安

驕車行

朝出青駝橋暮宿朵莊市僕夫來告余山路從此始山中怪



石多當路成壁壘輪鐵響錚錚石尖露齒齒鐵石相擊撞車  
輪多轉徙五里一山頭十里一澗底如以身在箕箒揚作糠  
秕豈無精衛鳥唧填東海水或有愚公叟移置他山裏須臾  
化康莊光明不譎詭二者不可得艱危亦聽耳平生坦此心  
遇險如夷履世路多崎嶇轉憂每成喜所恨驅車人齷齪唯  
利視昨得客十金包程二百里本是驚駘材安能道倍蓰芻  
豆雖豐潔我馬已痛矣叱咤猶未息鞭箠忽已起嗟哉雙騾  
綱力盡不能止區區犬馬心毋乃亦似此

和翟家莊壁閒韻

翟家莊題壁八絕詩筆清妍書法蒼潤末署仙海二  
字記蘇州同官陳司馬

方濂

字仙海疑卽其人惟仙

海字迹不多見姑和其韻俟質之仙海

同走天涯八月秋來觀壁上墨煙浮斯人定是元龍輩意氣  
高於百尺樓

龍蛇腕底走橫斜詩是蘇家字米家畢竟姓名猜不定聊將  
短句學塗鴉

風塵日月幾銷磨得有山看便放歌要路由來多仄徑生平  
怕向此中過

輪蹄鐵石響玲玲坐對煙巒倦眼醒泰岱峰高非獨立四圍  
環繞萬山青

一日馳驅一計程崎嶇原不滯吾行艱難時事知多少莫向  
人間訴不平

雞聲唱徹五更寒  
帽影欹斜曉據鞍  
東望滄溟紅日出  
豪情欲下釣鼇竿

飛瀑懸空練百尋  
無源應笑水蹄涔  
名山自有雲龍氣  
要替蒼生慰望霖

記得花枝樹樹栽  
春風留蔭滿蘇臺  
抄將詩稿求吾友  
定許相逢一笑來

附原詩山行卽景八絕

四時風月最宜秋  
況是齊煙九點浮  
楓葉滿林天欲暮  
夕陽紅上酒家樓

疊嶂迴環石徑斜  
兩三燈火幾人家  
天然一幅倪迂畫  
古木寒山數點鴉

塊壘填胸氣未磨振衣千仞且高歌下方極目何空闊要  
路偏從仄徑過

亂峰堆處石瓏玲歆枕詩成酒乍醒記得金牛湖上路一  
般螺黛向人青

垂柳絲絲數幾程曉風殘月送人行癡心願乞巨靈手鏟  
盡崎嶇路不平

已敝羊裘未覺寒曉扶殘夢上雕鞍可容蹇向溪頭坐借  
取鞭絲作釣竿

不辨仙源何處尋遙聽飛瀑響泔泔在山泉已清如此流  
到人閒便作霖

曾把芙蓉手自栽罡風幾度阻瑤台行踪應被山靈笑又

向長安道上來

登泰山絕頂觀日

泰山三十日高插半空中  
險闢天門路雄生海角風  
澗雲千丈白曉日一輪紅  
下聽塵寰地雞鳴猶未終  
到此眞天上人間罕問程  
松貞秦漢壽煙點魯齊城  
吐納百靈氣銷沈萬籟聲  
眾山無自小得地各成名

黃河

黃河來曲曲一氣走滄瀛  
星宿探源去風沙挾地行  
渾含塵世界不謝濁流名  
笑彼滄浪水涓涓自取清

贈吳崙峰軍門

士別看三日與君況兩秋  
關河增閱歷裘帶想風流  
大器成

多晚精鋼鍊漸柔  
藏鋒留待用莫漫試吳鉤

帶耕堂遺詩卷四終

門下晚學生程先甲審定編次

孫壽田壽樞孝先校刊

帶耕堂遺詩卷五

合肥蒯德模子範

到京

萬里君門遠莫親  
長安今日到纔眞  
慙無科第聯同譜  
難得公卿半部民  
報歲梅花新綻雪  
倚雲樓閣易生春  
天街畢竟多寬闊  
四海人蹤幾點塵

曾挽銀河洗甲來  
中興景運慶重開  
羣誇白玉聯新笋  
誰把黃金築舊臺  
入市琉璃光駐月  
趨朝輪鐵響奔雷  
笙歌天上知常有  
聽到人間第一回

染鬚

五十偉丈夫髭鬚如積霰  
須臾黑生光烏雲起片片  
如以漆

塗几如以墨染絹童僕笑且驚妻孥見或羨一朝來九重幸  
得君恩眷謂如美髯公單騎來酣戰謂如玉局翁文章藻采  
炫我亦居不疑自詡凌雲彥曉起對鏡光故吾不可見久假  
遂不歸後素徒知絢一笑熱場人都非本來面

十一月十二日引見

問夜如何入禁城樓臺風細玉珂鳴黃扉高敞千官肅紅日  
初升萬象明

聖主冲齡自神武天威咫尺正和平歸來漫把朝衣脫猶有  
鑪香袖底生

十八日奉旨授夔州府紀恩

有詔初頒墨未乾真除一紙下朝端榮分大郡稱方面得領



名山亦鉅觀壯不如人臣齒老去猶戀闕聖恩寬文翁雅化  
今猶昔願奉鄉賢作好官

定興題壁

昨日西風出帝城回瞻宮闕不勝情雪泥北地留新迹風月  
南天憶舊盟壯士荆高成底事佳人燕趙亦虛聲行行漸覺  
春將近一路陽和腳底生

立春日齊河道中口號

冰霜滿地隻輪通芳信傳來便不同萬柳一齊舒眉眼株株  
東向待春風

望徂徠

觀山來泰岱一覽已無遺獨有斯峰秀同鍾大造奇突從平

地起不受亂巖欺遠遠松猶見長留歲暮姿

罄陽度歲

佳辰思骨肉況是值年終客路無人識天涯此夕同鄉園千里外兒女一庭中應念長途冷風霜白髮翁

已放駒光去重逢馬齒加終年常作客今夕倍思家舊事填胸起新春轉眼賒道旁有老樹得氣亦開花

元旦早發

彈指光陰五十年未容事事得爭先祖生此次應輸我鞭着人間第一天

催程

此程百二里向晚未停鞭莫謂黃昏近夕陽紅上天

仲興旅店食饅頭特佳臨行店婦人持贈十枚

風霜茅店小牢九特留賓團結真元氣蒸成自在春腴凝雲  
色澤香釀雪精神更得殷勤贈糕思繼美人

陸游食饅頭詩  
牢九已登盤

### 抵金陵

一自長安去歸來已隔年衫痕燕市酒鞭影秣陵煙芳草有  
情地梅花無恙天更欣兩岸柳與我重周旋

此夕正元宵離懷慰寂寥春回知女健去時女病夜讀念兒嬌室  
有芝蘭秀庭來燕雀歸一官猶未到五馬已蕭蕭

### 別江南

朝天人至自長安又賦西征蜀道難回首湖山如畫裏瀟瀟  
春雨滿江干

征衫纔洗海東塵一領花封五度春  
記種許關干樹柳濃陰  
留覆往來人

一麾初出虎符新漸覺官高不近民  
終古木蘭堂下路白公  
去後更何人

兩載婁東事事宜  
邑多君子仗扶持  
梅花時節絃歌夜第一

南園繫我思

余修王相國南園移建安道書院花木竹石極東南園林之勝

京江險要據山河表裏危城保障多  
更有煙波通古港至今

月夜尙漁歌

鎮江賊遺外城臨江包山余重加修整並開甘露港灌城河便民

一曲騷歌酒乍醒  
莫愁湖上好樓亭

余請侯相修莫愁湖成今同人多于此作錢

怪予此去千峰外  
猶覺蔣山未斷青

茫茫誰與證  
心源得失全憑去  
後論萬種情懷一江水白門

流過又吳門

舟過新堤喜晤蔗農四弟

千里岷江一棹通天涯兄弟喜相逢十年吳楚同爲客兩地  
兒孫各作翁觀面乍驚新髮白回頭每憶舊燈紅臨行預定  
歸田約夜月巢湖理釣筒

入夔境

兩岸旌旗夾道迎管絃響入晚風清一官表率堪何事萬里  
艱難獨此行灘勢千軍排石陣峽流三月作秋聲天生門戶  
多奇險不僅崎嶇數陸程

巫山纔過又瞿塘白帝城高夜月涼得水英雄存大漢行雲  
神女近荒唐將培嘉種先除莠欲濟窮黎補種桑千古少陵

夔府句移家合住草堂旁

途次萬縣接三四兩兒入泮之信詩以誌感

候館雞亂叫曉月天昏黃僕夫走告余有書自故鄉書中竟  
何語語語多吉祥三兒入縣學四兒入郡庠阿兄當其右阿  
弟出其旁吾家二百載世代重文章門第不顯赫芹藻自馨  
香記我遊泮水有弟相頡頏至今三十年抑久乃忽揚喜極  
翻疑夢思多且感傷婁東歸試日慈母爲促裝兒今幸雙捷  
母死已三霜九泉或有知此事終渺茫曷若生存日一笑在  
高堂瞬息不稍待令我空傍徨肩輿走蜀道轉覺精力強

紀行

上下將萬里往來已一年程兼山水險候訝葛裘遷齊魯吳

楚地風霜花鳥天毋爲歎行役勝地足流連

九日偕周成甫戴崇甫登蓮花峰

此處登高去方稱第一高俯臨夔子國遠瞰峽門濤形勢拓  
詩界賓朋盡酒豪祇慚無鱗地未許共持螯  
太守頽乎醉西風夕照斜酒酣忘作客山好欲移家城郭彈  
丸小郊原樂歲譁門前池水活待我種蓮花

聽鳥

衙齋靜以謐轉似山林清眾鳥知我寂朝夕向我鳴或當春  
之暖或喜日之晴有時音高揚嚶嚶求友聲有時語瑣碎呢  
呢訴衷情去來皆自得斷續亦分明天地何空闊樊籠何羈  
縈天地爲樊籠萬物任游行寄語畜鳥者毋爲蹙其生

去年長安道馬嘶一何驕今年夔門峽猿啼復無聊遊子來  
萬里杜門苦寂寥忽聞時鳥語宛轉求其曹一林仙樂滿如  
聽鈞天韶吁嗟燕雀小何事終日囂自成一家語于飛各脩  
脩願隨鸞鳳侶和聲鳴盛朝

太守本山人愛聽山中鳥有時不知名自呼恰了了鎮日高  
亭坐爲時厯昏曉但覺和且平人人眞不少既可養耳聰兼  
能滌心擾須臾聲漸稀我吟忽嫋嫋以此作和歌餘音振林  
表

夕陽旣西下眾鳥棲以伏萬籟響笙竽一時倏靜穆扶疏千  
萬樹幽香雜花竹託止欣得所時哉隨化育我行且徐徐不  
肯驚其宿明朝一再鳴是否前聲續到處有邱隅毋使鷹鷂



逐

乞菊

今年南北復西東  
欠種籬邊菊幾叢  
乞取隔牆佳色到  
不教孤負此秋風

霜英露蕊正紛開  
一笑高人次第來  
點綴閒階秋爛漫  
好花何必定親栽

歲暮書懷

蕭蕭風雪歲將闌  
獨立蒼茫意未安  
五十年華彈指易  
二千石俸問心難  
江山到此成天險  
裘屨伊誰庇  
土寒百萬征商  
何日起黃金來處  
莫輕看

酒痕燈影送寒宵  
枕上江南夢未消  
春雨杏花揚子渡  
秋風

萍梗峽門潮十年作客塵容滿千里懷人草色遙自喜一官  
民尙近閒來猶得話漁樵

憶江南卽用別江南原韻

一帆風送古雲安景物江南得大難春雨滿林寒料峭天涯  
有客倚闌干

焚香掃地淨無塵幾點梅花又一春記否清明城外路山塘  
三月踏青人

吳中佳話遍傳新當代公卿半部民  
余到京詩有難得公卿半部民之句錦繡

湖山膏澤野行春曾作舊遊人

佳卉分栽處處宜雅鋤一柄手親持荷花世界垂楊岸怕對

斜陽有所思  
婁東安道書院隆福寺等處荷花楊柳皆余手植

滔滔東去此江河秀氣南邦特起多兩點金焦揚子渡登山  
猶聽采蓮歌

官鼓鼕鼕夢乍醒振衣直上望華亭

署後有亭名望華

遙看芳草郊

原外猶是秦淮兩岸青

萬派竄瀛其一源七千里路遠難論渡江梅柳知多少分與  
春光到峽門

黃鸝

時聞雲貴軍務肅清

呼童莫打柳間鷗儘着枝頭往復啼盛世已無征戍苦春歸  
何事夢遶西

望華亭前雜樹遮蔽余爲刪除多植梅柳

日日攜鋤當種田芟除蕪蔓出新鮮青山得氣春三月綠葉

成陰雨一天芳信早傳  
夔子國垂枝低綰峽門  
煙他時欄外留濃蔭應  
否風光已十年

九弟年逾四十甫生一子書來喜賦

千里家書遠寄將開函  
頓覺喜心狂一陽暖報  
萌芽動

兒以冬至

後四日生萬卷香留種子  
良映月弧懸門左夜連  
雲宅其道南莊

余于是月亦得一孫故云  
他時白髮歸來日笑對  
階前玉樹行

登望華亭

陟磴穿林日幾回賓朋小  
集喜追陪無端翠白浮  
空起收取江山到酒杯

栽花種竹手經營欄外芳  
陰綠漸成第一琉璃新  
世界峽門秋月夜三更

晚涼何處好招尋坐對花香又月陰  
簌簌松風吹不斷高空  
夜半起龍吟

披襟小立快當風老去情懷尙自雄  
野鳥忽聞林外語似憐  
儂亦白頭翁

蒼茫白帝賸孤城往事空教躍馬爭  
如此江山龍虎氣那容  
井底一蛙鳴

永安宮殿暮煙寒灤水東西湧急瀾  
一樣千秋誰占得武鄉  
祠宇杜詩壇

巫峰十二畫屏開那有朝雲夢楚臺  
笑指渡頭迎接處新攜  
桃葉過江來

吳門小別已三年風景依稀在眼前  
每值登高頻悵望江南

二月杏花天

僕女吟

鄉諺謂婢亦曰僕

生男賃作傭生女賣作僕作傭有時歸作僕永不復猶是父母心胡爲棄不鞠上天不降康零落田中穀一米如一珠萬錢纔一斛養殮已不繼旦夕且謀續有女十二齡鬻錢可糴粟攜女出門去但云往戚屬母避不忍送淚滴血盈掬女哭不肯行傷心墜幽谷託生寄天地無知非草木生長貧賤家役使富貴族富貴人多驕詈罵繼鞭扑身無完肌膚體無完衣服毒楚將誰訴舉目無骨肉天下無告民不僅孤寡獨顧此蚩蚩氓誰非父母育願告買僕者驅遣毋太酷吟詩備采風使者倘入蜀

哭九弟

天涯惟一弟汝死便全無骨肉悲多故風塵賸老夫孤兒方  
在抱將伯更誰呼況值吾衰日餘生病與俱

贈呂扉青直牧卽以送別

我自江南來蜀東見子瞿塘波浪中修眉闊額氣如虹一語  
便覺兩心同卽今共事纔兩紀君務嚴明我益喜火烈由來  
民鮮死安得天下皆吾子桃花水暖浪拍天錦江一棹何時  
旋文章之伯詩酒仙服膺常覺心拳拳親舍團圓春正好遊  
子歸來今尙早及時努力加餐飽驅車直向長安道長安天  
子坐朝端望見天顏色喜歡但得郡縣皆好官何愁寰宇不  
平安君親見罷百事足推轉征輪還入蜀龔黃千古賢民牧

吾子勉之其無俗

正月十九日大女來

自別春江上鬚眉又不同省親萬里外望爾兩年中

先一年來次年

到方吾歲今遇甲天涯尙轉蓬旅懷多寂寞來伴話泥鴻

憶昔行贈柘農四弟兼訊歸田之期

憶昔讀書家塾中與子朝夕筆硯同姜家大被謝池草聯吟  
照徹夜燈紅十五初學製章句二十同游泮水宮少年意氣  
凌九州一戰再戰白門秋子擷桂花香滿頭我猶滯迹山之  
陬淮南煙雨薊北雪兩人從此多離別十載京華幾去留一  
泓淝水自清絕桂林鞞鼓壓江城皖公山上草木驚請聯袍  
澤修矛戟縱橫戎馬一書生羽檄紛馳入京洛聞道故鄉盡



風鶴三千里外遊子歸  
怱怱又乘頓邱鐸頓邱歸來事日非  
江淮大局不可支墜地馬驚折骨死焚巢鳥散逐雲飛  
傷心不盡河梁夢攜手同行雨雪霏  
水底蛟龍多險惡夜深防有波浪作故人海上擁旌旄  
來向山中招燕雀燕雀高飛逐隊行  
春雨秋風萬里程客邸酒杯官局燭  
機雲異地居同屋一屋同居三載中  
雪泥海澱看飛鴻君去蘇臺返滬瀆  
我從茂苑蒞婁東秋水相思開畫舫  
春城小住紆花驄閭門城外送君歸  
酒盞詩瓢照落暉黃葉村村家漸近  
扁舟一棹叩柴扉親葬那復問家室  
重檢行裝驅車出鷓鴣洲前春草長  
黃鶴樓頭江水闊吳天楚地各分遊  
我滯江南君湖北纔辭金焦兩點秋  
又看秣陵千里月秣陵西望長安市  
去向長安見天

予近臣傳說天顏喜授我大郡巴巫裏巴巫下接楚江流與  
予相見江上樓江邊白蘋照人愁酒闌離思各悠悠自從此  
別又三霜白髮新添愈老蒼連宵風雨夢一床緜緜直與江  
水長楚江曉江一葦杭歸田應待話耕桑巢湖之曲蜀山陽  
何時徜徉於吾鄉

### 馬驢行

東家有一馬主人控之意閒雅西家有一驢朝來躑躅臨交  
衢馬性調良氣肅穆長途獨抱千里足久在沙場善馳逐驢  
性蹇劣氣囂張平途得得任翺翔一當險峻走且僵綠楊棚  
下草萋萋馬驢爭食驢怒啼驢怒不止雙舉蹄馬若不知惟  
長嘶驢已氣餒首爲低吁嗟驢馬本同槽慎勿輕怒仰天號

開元寺聽鶡

縣蠻正值日遲遲幾度鍼砭俗耳移未占上林先暖地偶遷  
喬木最高枝百般宛轉隨人動一種和平入世宜自喜此身  
常得所邱隅託止總能知

六十自壽

不求成佛不求仙屈指光陰自算年射策虛拋秋九十從軍  
那惜路三千高寒桂影搖無定爛漫花枝種自妍謂作昭諫  
若非逢相士幾教誤盡此青氈

升斗微緡薄宦成高堂未及奏咳笙風摧棣萼春難再月暗  
蘆簾夜不明無分公卿期子到有根蘭竹慶孫生老夫幸自  
兵戈出又見寰區頌太平

自從襍被去鄉關  
鞅掌風塵鬢已斑  
千頃汪洋黃叔度  
一官瀟灑白香山  
東觀滄海第三島  
西領巫峰控百蠻  
笑問杖鄉從此始  
天涯何事不歸還

重陽節近客登樓  
萸菊香濃四座收  
鉅谷高山俱笑傲  
閒花野草任勾留  
懸來日月成雙照  
徵到詩文第一流  
巴舞渝歌同樂意  
願開壽域與民遊

夔城告竣詩以紀之

時甲戌三月也

庚午夏六月夔城圮于水  
自東迤西流萬丈波  
濤裏亦越歲壬申三年大役起  
輟工待我來躋蹕  
曷能已萬金爲之倡  
六邑供臂指乃召土均至  
咨汝勤其始相厥凹凸形  
其繩直如矢乃召林衡至  
咨汝庀杞梓沙礫地不寔  
椿排束笋似乃召

山虞至咨汝成壁壘鑿石東洋灘險化如夷履眾工羅堂下  
諾諾復唯唯督之以官司參之以耆士旌麾間行列金鼓節  
起止卽此興作役亦寓軍中紀一盤築一堤盤盤相積參積  
參躋其巔磐石蝨其底下視俯江流上視瞰城軌風雨馴蛟  
龍斧斤泣神鬼厥力亟成之巨工告竣矣粵自經營初迄今  
未兩載江水日東注滔滔終不改堅城屹然立夔門逸可待  
巴渝百萬家控制動萬里某年某月日作詩以誌喜

### 積鹽行

上有白鹽山下有積鹽水山高猶見巔水渾不見底美利自  
天生任民取求耳商日疲我岸訐告肆譎詭民曰絕我生狗  
利輕一死商民兩執爭釁隙百端起煌煌封禁文厲禁誰敢

弛我無管子才亦有陶朱計權衡妙轉移錙銖恥較比載運  
出峽門咫尺楚疆里納釐紓民困國課亦足矣私販化爲官  
吾民色然喜年年十月冬農事已告止窮簷千萬家藉此謀  
生理老幼相提攜男婦共奔徙井水靜不波噴吐源泉似吸  
取把軍持挹注良不已萬竈火騰紅千山雲結紫漉沙便成  
珠熬波學煮海霜雪滿灘頭色白味逾美須臾輸之官青錢  
手中在但使釜生煙不憂厨無米吾民終歲勤所獲不及此  
作此短歌行爲告厥大使

文峰書院落成喜賦

文翁遺澤最清芬化蜀曾傳重典墳在昔已開小齊魯至今  
猶憶古淵雲天垂軫宿光分野地接巴流曲作文多士幸生

形勝域莫教孤陋愧多聞

此邦游覽足稱雄多少名流作寓公三峽灘頭傳日記十賢  
堂上數行蹤鵝湖鹿洞俱陳迹時雨春風有化工咫尺六州  
歸教授鐸音振處總能通

門下晚學生程先甲審定編次

帶耕堂遺詩卷五終

孫壽田壽樞孝先校刊

跋

詩貴質實修辭立誠之旨也故人不爲詩則已爲則必本其無邪之思以達其欲言之志俾後之讀是詩者反復吟咏感發興起於不容已詩顧不重乎荆公詩集若干卷皆其生平所閱歷胸中所積蓄政事性情一一見之於言求其一篇一什爲擬某代某作者之詩蓋亦難矣夫士不得志於時呶呶朝夕手漢魏唐宋以來專家規摩倣效推敲聲韻掇拾緒餘遂詡駸駸乎入古作家之室而識者鄙之譏其依傍門戶空言無實也石石丈不云乎詩以道性情攘取他人之性情私爲已有廉恥道喪矣又或學殖淺蕩襟懷鄙俚旣無得於古人抑亦擲管吮墨搜枯賁有支離者之弊庸愈于塗澤者之



爲耶蒯公少能文於書無所不讀釋褐筮仕所在著政聲干  
古傳人豈藉辭章表見就其所爲詩則皆生平閱歷胸所積  
蓄並其政事性情一一見之於言俾讀者有所感發興起質  
實之辭無戾無邪之旨矣光緒乙亥暮春萬縣劉家謨拜讀  
謹識

跋

顧炎武氏曰文之不可絕於天地間者曰明道也紀政事也  
察民隱也樂道人之善也煦謂詩亦何莫不然比世之爲詩  
者輿衍以爲博綺靡以爲麗在志則蕩在風則浮而誇皆無  
當於詩之旨也公詩直出胸臆不事雕飾仿效浩浩落落而  
自合乎明道紀政事察民隱樂道人善之旨使後之人知公  
之志與其所施于政而爲風者其不可絕於天地閒斷斷勿  
疑豈必與蕉萃專壹之士絮聲病修短哉乙亥清明金壇馮  
煦再拜書後

先大父中議公生平政績已詳載碑傳事略其著述已刊者帶耕堂四書文吳中判牘蠶桑實濟驗方雜錄未刊者詩集文集雜著日記自治官書其著而未就者梨洲學案草略惟以諸未刊稿本叢雜未遑整理暫庋藏書室中藏書室者中議公所經營締構也吾家世好藏書至中議公已六世洪楊之亂舊籍蕩然中議公官江南乃悉心購置上自宋元版本下逮有明以來名鐫精刻無不畢備其室大厦十餘間憶幼時偕四兄六弟啟扇檢書每潛匿于書櫺相距之間以爲笑樂洎光緒庚寅四月八日居宅不戒于火而藏書室廣廈及百數十萬卷書籍悉爲灰燼壽樞年甫十四扶掖先君營救卒未撲滅而中議公遺著及先叔父通籍前所註禮記稿本

同付焚如此至堪痛惜者也幸中議公遺詩以先叔父攜至  
京師獨巍然獲存今先叔父長逝亦已二十載矣壽樞念人  
事之靡常感滄桑之屢易大思溘先朝露卽此劫遺之詩卷  
亦終就散佚則罪戾滋重爰懇請吾師程一夔先生矜予審  
定編次授之剞人并識數語以告後昆云中華民國十八年  
歲次己巳四月孫壽樞謹識